

**ԴՐԱՄԱՇՆՈՐՀՆԵՐԻ
ՏՐԱՄԱԴՐՄԱՆ ՄԻՏՈՒՄՆԵՐԸ
ՀԱՅԱՍՏԱՆՈՒՄ ԿԱՆԱԿՑ
ՀԻՄՆԱԴՐԱՄՈՒՄ**

2025

Այս փաստաթուղթը տալիս է համապարփակ տեղեկատվություն այն մասին, թե 2025 թվականին որոնք են եղել Կանանց հիմնադրամում դրամաշնորհների տրամադրման հիմնական միտումները:

Ում համար է նախատեսված զեկույցը

Փաստաթուղթը նախատեսված է ներքին և արտաքին օգտագործման համար: Այն կարող է հանդես գալ որպես ներքին և արտաքին հաշվետվողականության հիմք, ինչպես նաև որպես տեղեկատվական նյութ ամենատարբեր շահակիցների համար՝ ներառյալ աշխատակազմ, գործընկերներ և կազմակերպություններ, գործող և պոտենցիալ դոնորներ, խորհրդի անդամներ և այլ: Որպես Հիմնադրամ՝ սա նաև հանրային հաշվետվողականության մաս է:

Ընդհանուր տեղեկատվություն

Հիմնադրամի կողմից տրամադրվող դրամաշնորհների ընդհանուր տիպերը 2025-ին՝

- **Ընդհանուր գործառնական դրամաշնորհներ (հիմնական ֆինանսավորում/ գործառնություններ).** ամենօրյա գործառնությունների համար անսահմանափակ ֆինանսական աջակցություն տրամադրելը, որը ներառում է այնպիսի ծախսեր, ինչպիսիք են աշխատավարձերը և տեխնիկական հագեցումը:
- **Ծրագրային դրամաշնորհներ (հիմնական ֆինանսավորում/ ինստիտուցիոնալ աջակցություն).** հատկացվում են կազմակերպության առաքելությանը համահունչ հատուկ նախաձեռնություններին:
- **Պլանավորման դրամաշնորհներ.** նպաստում են ռազմավարական պլանավորման ջանքերին՝ նախանշելու ապագա գործողություններն ու նախագծերը:
- **Տեխնիկական աջակցության դրամաշնորհներ (դիմակայունության դրամաշնորհներ).** ուղղված են կազմակերպչական արդյունավետության բարձրացմանը տարբեր ոլորտներում՝ ներառյալ ֆինանսական կառավարումը, հաղորդակցությունը, դրամահավաքը և գնահատումը՝ կենտրոնանալով ֆեմինիստական և/ կամ կանանց կազմակերպություններում հուզական և կոլեկտիվ ճկունության վրա:
- **Հետազոտական դրամաշնորհներ (հետազոտություններ, հրապարակումներ).** աջակցում են գիտահետազոտական ջանքերին, էսսեներին, հրապարակումներին և մասնակցությանը գիտաժողովներին դրամաշնորհառու գործընկերների կողմից:

Աշխարհագրական ծածկույթ. Կանանց հիմնադրամը գտնվում, գործում և դրամաշնորհներ է տրամադրում Հայաստանի Հանրապետության տարածքում: Հազվադեպ դեպքերում Հիմնադրամի կողմից կարող են ֆինանսավորվել ծրագրեր, որոնք Հայաստանից դուրս են, սակայն իրականացվում են տեղական կազմակերպության կամ խմբի նախաձեռնությամբ և համագործակցությամբ:

Հիմնադրամի ընդհանուր բյուջեի ծախսեր.

- 60% դրամաշնորհներ և կարողությունների զարգացում
- 20% ադմինիստրատիվ ծախսեր
- 20% Սիլիհտարի պարտեզներ ամոքման տարածքի վերանորոգման ծախսեր

Հիմնադրամը 2025 թվականի ընթացքում ստացել է ընդհանուր **344 դիմում**՝ ներառյալ բաց կանչերը/ հայտարարությունները, սեփական նախաձեռնությամբ դիմումները, ինչպես նաև Հիմնադրամի նախաձեռնությամբ փակ դրամաշնորհները:

Ֆինանսավորված ծրագրերի թվային ցուցանիշներ՝ **25 % կամ 86 ծրագիր 2025-ին:**

Մասնակցային մոտեցումներով տրամադրված դրամաշնորհներ՝ **35%:**


Յուրաքանչյուր ֆինանսավորված ծրագրի համար գումարի միջակայքը՝ **450 000 ՀՀ դրամից մինչև 4 000 000 ՀՀ դրամ:**

Դրամաշնորհների ընդհանուր գումարը 2025-ին՝ **108 000 000 ՀՀ դրամ:**

Ծրագրերի տևողությունը՝ դրամաշնորհային ծրագրերի տևողությունը սովորաբար **2 շաբաթից մինչև 1 տարի է:**

Բաց և փակ դրամաշնորհներ


Հիմնադրամում դրամաշնորհային ծրագրերի մեծ մասն (67.4%) իրականացվում է բաց մրցույթների (կանչերի) միջոցով, ինչը շեշտադրում է դրանց ընթացակարգային թափանցիկությունն և լայն հասանելիությունը: Փակ մրցույթները կազմում են 26.7%-ը, ինչն արտացոլում է որոշակի առաջնահերթությունների կամ վստահելի գործընկերների համար նպատակային ֆինանսավորման ռազմավարությունը: Սեփական նախաձեռնությամբ ֆինանսավորված դրամաշնորհները մնում են սահմանափակ (5.8%): Ընդհանուր առմամբ՝ բաշխումը մատնանշում է դրամաշնորհների տրամադրման այնպիսի մոդել, որն առաջնահերթություն է տալիս բաց հասանելիությանը և համագործակցությանը՝ միաժամանակ պահպանելով Հիմնադրամի ռազմավարական ուղղությունների ֆինանսավորումը որպես առաջնահերթություն:



Դրամաշնորհներն ըստ աջակցության տեսակի

Դրամաշնորհների տեսակների բաշխումը ցույց է տալիս ծրագրային և շարժման ամրապնդմանն ուղղված գործունեության վրա մեծ շեշտադրում, որտեղ ֆեմինիստական միջոցառումները կազմում են ամենամեծ մասը (31.4%), իսկ նախագծերի վրա հիմնված դրամաշնորհները՝ 29.1%: Սա ենթադրում է դրամաշնորհների տրամադրման այնպիսի ռազմավարություն, որը կենտրոնացած է տեսանելիության, մոբիլիզացիայի և խնդիրների վրա հիմնված միջամտությունների վրա, այլ ոչ թե հիմնականում երկարաժամկետ ինստիտուցիոնալ աջակցության վրա: Հետազոտական նախագծերը (10.5%) և բիզնեսին առնչվող աջակցությունը (14.0%) ունեն ավելի քիչ ներկայացվածություն, ինչը ցույց է տալիս գիտելիքների արտադրության և տնտեսական կայունության ճանաչումը, չնայած որ դրանցից ոչ մեկը չի գերիշխում դրամաշնորհների տրամադրման 2025 թվականի ընդհանուր միտումներում:


Ի տարբերություն վերը նշվածի՝ 2025 թվականին հիմնական/ինստիտուցիոնալ աջակցությունը կազմում է համեմատաբար փոքր մասնաբաժին (9.3%), մինչդեռ դիմակայունության նախագծերը կազմում են 5.8%: Դրամաշնորհների այս տեսակների նման հաշվեկշիռը ենթադրում է, որ չնայած կազմակերպչական կայունությունը և ճգնաժամային դիմակայունությունը ճանաչվում են որպես օրակարգային, դրանք կենտրոնական ֆինանսավորման ծավալում դեռևս զբաղեցնում են զգալիորեն փոքր մասը: Այս իրավիճակը բնականաբար ունի տարբեր մեկնաբանություններ՝ սկսած ֆինանսավորման աղբյուրներից և դրանց ներկայացվող պահանջներից մինչև այդ ֆինանսավորման ժամկետներ, հնարավորություններ և չափեր:



Դրամաշնորհներն ըստ դրամաշնորհառուների կարգավիճակի


2025 թվականի ընթացքում դրամաշնորհների բաշխումը ցույց է տալիս գրանցված կազմակերպությունների նախապատվություն, որոնք ստացել են ֆինանսավորման մեծ մասը՝ 55.81%: Սա ցույց է տալիս, որ Հիմնադրամը նախընտրել է իրավաբանական ճանաչում ունեցող ստացողներին՝ նաև հաշվետվողականության, թափանցիկության և ադվոկացիոն կարողությունների նկատառումներից ելնելով: Գրանցված կազմակերպությունները հաճախ ավելի լավ են պատրաստված ավելի մեծ դրամաշնորհներ կառավարելու և չափելի արդյունքներ ցուցադրելու համար, ինչը նրանց դարձնում է համեմատաբար ցածր ռիսկային ընտրություն ամենատարբեր ֆինանսավորողների համար:

Միաժամանակ անհատները նույնպես ստացել են զգալի աջակցություն՝ կազմելով դրամաշնորհների 32.56%-ը: Սա ենթադրում է, որ Հիմնադրամը գնահատում է անձնական նախաձեռնություններն ու նախագծերը՝ հնարավորության սահմաններում աջակցելով կին ձեռներեցներին, ակտիվիստներին, արվեստագետներին և/կամ անկախ հետազոտողներին: Անհատներին ֆինանսավորելը կարող է խրախուսել նորարարությունը, ստեղծագործականությունը և ճկունությունը, չնայած դա կարող է պահանջել լրացուցիչ ուշադրություն վարչական վերահսկողությանը և ռիսկերի կառավարմանը: Այդուհանդերձ, այս մոտեցումն ի սկզբանե եղել է Հիմնադրամի հիմնական սկզբունքների շարքում: Զուգահեռաբար չգրանցված կամ ոչ ֆորմալ խմբերը ստացել են ֆինանսավորման միայն 11.63%-ը:




Դրամաշնորհների մարզային բաշխում

Դրամաշնորհների բաշխման վերաբերյալ տվյալները ըստ տեղանքի ցույց են տալիս մարզային բարձր կենտրոնացում: Հիմնադրամի ֆինանսավորման մեծ մասը՝ 55.81%-ը, ուղղվում է մայրաքաղաքից դուրս՝ տարբեր շրջաններում իրականացվող նախագծերին: Սա ենթադրում է, որ Հիմնադրամն առաջնահերթություն է տալիս կենտրոնական քաղաքային տարածքներից դուրս գործող նախաձեռնություններին աջակցությանը՝ այսպիսով խթանելով գյուղական համայնքներին աջակցությունը և Հայաստանի տարածքում ավելի արդար և հավասարաչափ զարգացումը: Միևնույն ժամանակ՝ մայրաքաղաք Երևանը ստանում է ավելի փոքր, բայց դեռևս զգալի բաժին՝ կազմելով դրամաշնորհների 41.86%-ը: Սա արտացոլում է քաղաքում շարունակական ֆինանսավորումը՝ ավելի մեծ մասշտաբի, ազդեցության և տեսանելիության կարողություններով: Դրամաշնորհների միայն նվազագույն բաժինը՝ 2.33%-ը դասակարգվում է որպես «խառը», որը ցույց է տալիս այն նախագծերը, որոնք ընդգրկում են ինչպես Երևանյան, այնպես էլ մարզային գործողությունները: Ընդհանուր առմամբ՝ 2025 թվականի բաշխումը ցույց է տալիս Երևանի և մարզերի ֆինանսավորումը հավասարակշռելու միտումնավոր փորձ, իսկ մարզերի վրա շեշտադրումը ենթադրում է ապակենտրոնացման և մայրաքաղաքից դուրս ազդեցության խթանման ռազմավարական հանձնառություն: Սա նույնպես այն սկզբունքներից է, որով Հիմնադրամն առաջնորդվել է հիմնադրման հենց սկզբից:




Առանձին մարզերի միջև դրամաշնորհների բաշխման վերաբերյալ տվյալները արտացոլում են բավական անհավասար բաշխում, ինչպես և նախորդ տարիներին: Այս առումով կենտրոնացումը հստակորեն երևանում է, որը ստանում է բոլոր դրամաշնորհների 41.86%-ը: Սա ցույց է տալիս, որ չնայած տարածաշրջանային զարգացման վրա որոշակի շեշտադրումներին, մայրաքաղաքը մնում է դրամաշնորհներով աջակցվող նախաձեռնությունների հիմնական կենտրոնը: Այս պատկերը ձևավորվում է հավանաբար ավելի կայացած կազմակերպությունների, ենթակառուցվածքների և վարչական կարողությունների առկայության շնորհիվ: Մարզերի շարքում Լոռին առանձնանում է դրամաշնորհների 13.95%-ով, որին հաջորդում են Շիրակը՝ 9.30%-ով և Կոտայքը՝ 8.14%-ով, ինչը ցույց է տալիս հյուսիսային շրջանների վրա զգալի շեշտադրում: Այլ մարզեր ստացել են ավելի փոքր մասնաբաժիններ՝ Տավուշ (6.98%), Սյունիք (5.81%), Գեղարքունիք (4.65%), Արարատ (3.49%), Արմավիր (2.33%) և Վայոց ձոր (1.16%): Այս տարի նույնպես Արագածոտնի մարզում դրամաշնորհներ չեն եղել: Այս պատկերը հիմնականում պայմանավորված է այն հանգամանքով, որ մարզում Հիմնադրամը աշխատում է ակտիվորեն ավարտին հասցնել բարօրության տարածքի վերանորոգման աշխատանքները, որից հետո ավելի ռազմավարական մոտեցմամբ աշխատել տարածքում դրամաշնորհներ տրամադրելու և գործընկերներ գտնելու ուղղությամբ: Այս բաշխմամբ դրամաշնորհների փոքր մասը՝ 2.33%-ը, դասակարգվում է որպես «խառը»: Ընդհանուր առմամբ՝ 2025 թվականի բաշխումը ենթադրում է օրինաչափություն. մինչ երևանը գերիշխում է ֆինանսավորման ծավալում, գիտակցված ջանքեր են գործադրվում այլ շրջաններին աջակցություն տրամադրելու ուղղությամբ:



Ֆինանսավորված ծրագրերի բաժանումն ըստ բնակավայրի

Գյուղական և քաղաքային տարածքների միջև դրամաշնորհների բաշխումը ցույց է տալիս քաղաքային բարձր ներկայացվածություն, որտեղ ուղղվել է ֆինանսավորման 70.93%-ը: Սա արտացոլում է դրամաշնորհների տրամադրման տարածված օրինաչափությունը, որտեղ քաղաքներում հիմնված նախաձեռնությունները՝ հաճախ ավելի կայացած կազմակերպություններով, ավելի լավ ենթակառուցվածքներով և վարչական կարողություններով, ստանում են աջակցության հիմնական մասը: Գյուղական բնակավայրերում դրամաշնորհներ կազմում են միայն 13.95%, ինչը վկայում է զգալիորեն ցածր ներկայացվածության մասին, չնայած այս համայնքները կարող են բախվել ավելի մեծ սոցիալ-տնտեսական մարտահրավերների և ունենալ ավելի քիչ տեղական ռեսուրսներ: Նշանակալի մասնաբաժին՝ 15.12%-ը, դասակարգվում է որպես «խառը», որը ներառում է ինչպես գյուղական, այնպես էլ քաղաքային տարածքներ ընդգրկող նախագծեր, ինչը ենթադրում է բնակավայրերի միջև անհավասարությունները կամրջելու որոշակի ջանքեր:

Այս օրինաչափությունը ենթադրում է ն հնարավորություն, ն մարտահրավեր Հիմնադրամի համար: Մի կողմից՝ քաղաքային նախաձեռնություններին աջակցելը կարող է ապահովել տեսանելիություն, մասշտաբայնություն և ռեսուրսների արդյունավետ օգտագործում: Մյուս կողմից՝ գյուղական տարածքներին համեմատաբար փոքր հատկացումը ցույց է տալիս առկա անհավասարությունները ամրապնդելու և այն համայնքները անտեսելու ռիսկը, որոնք կարող են մեծապես օգտվել նպատակային ֆինանսավորումից: Այս անհավասարակշռությունը լուծելու համար Հիմնադրամը տրամադրել է ավելի փոքր, ճկուն դրամաշնորհներ, կարողությունների զարգացման աջակցություն և տեխնիկական օգնություն՝ ապահովելու համար, որ գյուղական կազմակերպություններն ու նախաձեռնությունները նույնպես կարողանան օգտվել ֆինանսավորումից: «Խառը» կատեգորիայի ընդլայնումը նույնպես կարող է ռազմավարական լինել՝ խթանելով քաղաքային և գյուղական ակտորների կամ գործընկերների միջև համագործակցությունը՝ մարզերում ռեսուրսները, գիտելիքները և ցանցերն ավելի ուղենիշային օգտագործելու համար:




Դրամաշնորհների տրամադրումն ըստ թեմատիկ ուղղվածության

Թեմատիկ ոլորտների միջև դրամաշնորհների բաշխումն արտացոլում է գենդերային և սոցիալական արդարության հարցերի հստակ առաջնահերթություն, որտեղ ընտանեկան բռնությունը և գենդերային բռնությունը ստացել են ամենամեծ բաժինը՝ 26.74%: Սա ցույց է տալիս կանանց և խոցելի բնակչությանը վերաբերող հրատապ և կարևորագույն անվտանգության հետ կապված խնդիրների լուծման վրա ուժեղ կենտրոնացում: Կանանց բիզնես նախաձեռնությունները նույնպես զգալի ուշադրության են արժանացել (13.95%) Հիմնադրամի կողմից, ինչն արտացոլում է տնտեսական հզորացման կարևորվածությունը՝ անվտանգության և պաշտպանության հետ մեկտեղ: Դեռահաս աղջիկների հզորացումը (9.30%) և գործառնական աջակցությունը (8.14%) հստակ ընդգծում են կազմակերպչական կարողությունները ամրապնդելու և առաջնորդների հաջորդ սերնդի մեջ ներդրումներ կատարելու ջանքերը:


Մյուս ոլորտները, թեև ավելի փոքր մասնաբաժնով, արտացոլում են սոցիալական ազդեցության նկատմամբ բազմազան մոտեցում: Արվեստը, բնապահպանական և կլիմայական արդարությունը ստացել են 6.98% ֆինանսավորում Հիմնադրամի դրամաշնորհային բյուջեից, ինչը շեշտադրում է մշակութային արտահայտմանը և երկարաժամկետ համակարգային խնդիրներին ուշադրություն դարձնելը, մինչդեռ տեղահանված և միգրանտ կանանց (4.65%), կանանց իրավունքներին և ակտիվիզմին (3.49%), LFSH+ նախաձեռնություններին (3.49%), բարօրությանը և ամոքմանը (3.49%), ինչպես նաև կրթությանը (2.33%) աջակցությունը ենթադրում է մասնագիտացված ոլորտներում նպատակային, բայց դեռևս սահմանափակ ներդրումներ: Սպորտը և տեղեկատվական տեխնոլոգիաները/արհեստական բանականությունը 2025-ին նույնպես ստացել են նվազագույն ֆինանսավորում (2.33%):

Ընդհանուր առմամբ՝ ֆինանսավորման ռեսուրսների բաշխումը ցույց է տալիս դրամաշնորհների տրամադրման ռազմավարություն, որը հավասարակշռում է սոցիալական պաշտպանության և հզորացման իրականացումը կայունության, մշակույթի և նորարարության ոլորտում ռազմավարական ներդրումների հետ: Այնուամենայնիվ, որոշ ոլորտներ, ինչպիսիք են տեխնոլոգիաները, կրթությունը և LFSH+ իրավունքները, կարող են շարունակել ֆինանսավորվել ավելի նպատակային ռեսուրսների հատկացումներով՝ սոցիալական փոփոխությունների նկատմամբ ավելի կայուն և հեռանկարային ազդեցություն ապահովելու համար:




Նոր և նախկին գործընկերություններ

Դրամաշնորհ ստացած կազմակերպությունների հետ համագործակցության տևողության վերաբերյալ տվյալները ցույց են տալիս նախկին գործընկերների և նրանց փորձառության նախապատվություն, քանի որ դրամաշնորհների 70.93%-ը տրամադրվել է հին գործընկերներին և միայն 29.07%-ը՝ նորերին:



Դրամաշնորհների տևողությունը

Վերը նշված ծրագրային դրամաշնորհների տևողությունը ևս տարբեր է: Այս բաժանումն, ըստ էության, պայմանական է և կախված է Հիմնադրամի ունեցած ֆինանսական աջակցության աղբյուրներից ու դրանց ժամկետներից:



Դրամաշնորհների բաշխումն ըստ տևողության ցույց է տալիս բավական հավասարակշռված մոտեցում, որտեղ կարճաժամկետ (մինչև մեկ ամիս տևողությամբ) նախագծերը ստանում են ամենամեծ բաժինը՝ 38.37%, որին անմիջապես հաջորդում են շատ կարճ (1-5 ամիս տևողությամբ) նախագծերը՝ 31.40%, և երկարաժամկետ (5 ամսից մինչև 1 տարի տևողությամբ) նախագծերը՝ 30.23%: Սա ենթադրում է, որ Հիմնադրամը շեշտը դնում է ճկունության և արձագանքող լինելու վրա՝ թույլ տալով գործընկերներին արագորեն լուծել հրատապ կարիքները, փորձարկել նորարարական գաղափարներ կամ արձագանքել անհետաձգելի խնդիրներին, ինչպես նաև կազմակերպել կարճ տևողությամբ թեմատիկ միջոցառումներ: Միևնույն ժամանակ՝ երկարաժամկետ նախագծերին զգալի հատկացումը ցույց է տալիս կայուն միջամտությունների կարևորության գիտակցումը, որոնք կարող են առաջացնել համակարգային փոփոխություններ, զարգացնել կազմակերպչական կարողությունները և ստեղծել երկարատև ազդեցություն: Նշված ժամկետներով գրեթե հավասար բաշխումը նաև արտացոլում է ռազմավարական հավասարակշռությունը. կարճաժամկետ և շատ կարճ դրամաշնորհները թույլ են տալիս փորձարկել և արագ հարմարվել, մինչդեռ երկարաժամկետ դրամաշնորհները ապահովում են կայունություն և շարունակականություն բարդ նախաձեռնությունների համար, մասնավորապես՝ նրանց համար, որոնք լուծում են արմատացած սոցիալական մարտահրավերներ և խնդիրներ, ինչպիսիք են գենդերային բռնությունը կամ համայնքների ու թիմերի դիմակայունությունը:

Ամփոփում

Դրամաշնորհների տրամադրման միտումների ուսումնասիրությունը համապարփակ պատկեր է տալիս այն մասին, թե ինչպես է ֆինանսավորումը բաշխվում ըստ ստացողների տեսակների, աշխարհագրական դիրքավորվածության, նախագծերի տևողության և թեմատիկ ոլորտների: Ընդհանուր առմամբ՝ այն արտացոլում է մտածված և ապացույցների վրա հիմնված ռազմավարություն, որը հավասարակշռում է հաշվետվողականությունը, ճկունությունը և արձագանքելու ունակությունը՝ միաժամանակ մատնանշելով ապագա աճի և կատարելագործման խոստումնալից հնարավորություններ:

2025 թվականին միտումներում հատկանշական է դրամաշնորհների բաշխումն ըստ ստացողի տեսակի: Գրանցված կազմակերպությունները ստացել են ֆինանսավորման մեծ մասը (55.81%), ինչը ընդգծում է ֆորմալ կառուցվածքների, հաշվետվողականության մեխանիզմների և ավելի մեծ մասշտաբի միջամտությունները կառավարելու կարողության վրա շեշտադրումը: Միևնույն ժամանակ՝ անհատները նույնպես ստանում են զգալի ֆինանսավորում (32.56%), ինչը վկայում է անձնական նախաձեռնությունները, նորարարությունները և անկախ ակտիվությունը խթանելու մասին: Մինչդեռ չգրանցված խմբերը կազմում են ավելի փոքր մասը (11.63%), այս բաշխումը արտացոլում է ռիսկերի կառավարման «չափված» մոտեցում, որն առաջնահերթություն է տալիս կայունությանը՝ միաժամանակ տեղ թողնելով ճկունության և փորձարկումների համար: Այս մոտեցումը նաև ընդգծում է այն, որ նմանատիպ աջակցության մեխանիզմները կարող են հետագայում բացահայտել ոչ ֆորմալ համայնքային նախաձեռնությունների տեղական ազդեցության ներուժը:

Աշխարհագրական տեսանկյունից ֆինանսավորումը հիմնականում կենտրոնացած է քաղաքային տարածքներում, որոնք ստանում են դրամաշնորհների 70.93%-ը, իսկ ընդհանուր ֆինանսավորման 41.86%-ը հատկացվել է հենց Երևանին: Այս միտումը, հավանաբար, արտացոլում է մայրաքաղաքում հաստատված կազմակերպությունների, ցանցերի և կազմակերպչական կարողությունների կենտրոնացումը: Միևնույն ժամանակ՝ գյուղական տարածքները ստանում են ֆինանսավորման 13.95%-ը, իսկ «խառը» նախագծերը կազմում են 15.12%-ը, ինչը ցույց է տալիս քաղաքային կենտրոններից դուրս հասանելիությունը ընդլայնելու առկա ջանքերը: Մարզային վերլուծությունն ավելի պատկերավոր է ցույց տալիս այս դինամիկան: Լոռին, Շիրակը և Կոտայքը ստացել են զգալի մակարդակի աջակցություն, մինչդեռ այլ մարզեր, ինչպիսիք են Վայոց ձորը, Արմավիրը և Արարատը, ավելի համեստ են ներկայացված, իսկ Արագածոտնը ներկայումս ֆինանսավորում չի ստանում:

Դրամաշնորհների թեմատիկ բաշխումը 2025 թվականին ընդգծում է սոցիալական հրատապ խնդիրների հետ հստակ համապատասխանությունը: Ընտանեկան բռնությունը և գենդերային բռնությունը ստանում են ֆինանսավորման ամենամեծ մասը (26.74%), ինչն արտացոլում է պաշտպանության, անվտանգության և ճգնաժամային իրավիճակներին արձագանքման նկատմամբ հստակ նվիրվածությունը: Կանանց բիզնես նախաձեռնությունները (13.95%) և դեռահաս աղջիկների հզորացումն (9.30%) ընդգծում են տնտեսական զարգացման, առաջնորդության և երկարաժամկետ դիմադրողականության վրա կենտրոնացումը: Գործառնական աջակցությունը (8.14%) նպաստում է կազմակերպչական և հեռանկարային կայունությանը: Մյուս թեմատիկ ոլորտները, ինչպիսիք են բնապահպանական և կլիմայական արդարությունը (6.98%), արվեստը (6.98%), դիմակայունությունը (5.81%) և տեղահանված ու միգրանտ կանանց աջակցությունը (4.65%) խորություն և բազմազանություն են հաղորդում Հիմնադրամի դրամաշնորհների տրամադրման գործունեությանը: Միևնույն ժամանակ՝ տեղեկատվական տեխնոլոգիաների և արհեստական բանականության, կրթության, սպորտի, LFSH+ իրավունքների, կանանց իրավունքների ակտիվիզմի և բարօրության ոլորտները ստանում են համեմատաբար ավելի փոքր հատկացումներ: Ամփոփելով՝ այս թեմատիկ բազմազանությունն արտացոլում է հավասարակշռված մոտեցում, որը լուծում է սոցիալական հրատապ կարիքները՝ միաժամանակ հիմք դնելով ավելի լայն համակարգային փոփոխությունների համար:

Ընդհանուր առմամբ՝ տվյալներն արտացոլում են դրամաշնորհների տրամադրման ռազմավարական, ճկուն և արձագանքող մոտեցում: Հիմնվելով առկա ուժեղ կողմերի վրա այնպիսի գործիքների միջոցով, ինչպիսիք են կարողությունների զարգացումը, նախնական ֆինանսավորումը, մենթորությունը և միջմարզային համագործակցությունը՝ Հիմնադրամը կարող է ավելի ամրապնդել ներառականությունն ու ծրագրերի ազդեցությունը՝ ապահովելով, որ ռեսուրսները հասնեն համայնքների և նախաձեռնությունների լայն շրջանակի, որոնք ունեն երկարատև սոցիալական փոփոխություններ առաջացնելու ներուժ: